

5th Year



SubSurgery

12 ساعة

المادة عبارة عن 5 روتيشنات

شهر عظام بتأخذه منفصل مع شهر الطب النفسي

وشهرين فيهم عيون و ENT ومسالك وأعصاب، كل روتيشن منهم أسبوعين، يكون فيهم محاضرات صباحية عال8 ومسائية عال2 وجاهي في الجامعة، يعني حتى لو مداومين بالمدينة أو البشير لازم تحضروا المحاضرات بالجامعة.

امتحان الفايصل يكون بال 5 مواد مع بعض (100 سؤال بساعتين ونص، على وقتنا كانوا مرتبين الأسئلة حسب الروتيشن وكتبوا كل سؤال تابع لأي روتيشن، كل مادة إلهها 16-17 سؤال باستثناء العظام 33-34، وما جابوا صور)

الميني اوسكي ألي بنهاية الشهرين:

بكون لكل بال4 روتيشنات مع بعض، بكون محوسب كتابي على الكمبيوتر، كل روتيشن مدته 20 دقيقة، يعني الامتحان مدته 80 دقيقة، لكن بتقدروا تاخذوا استراحة بين الروتيشنات، من 20 علامة، كل روتيشن إله 5 علامات.

الامتحان عبارة عن بلوكات، ترتيبهم عشوائي، بتقدروا تقرأوا بالأسئلة داخل البلوك بس لما تطلعوا منه وتروحوا لمادة ثانية ما بتقدروا ترجعوا للمادة ألي قبل.



Urology

طبيعة الدوام

الدوام أسبوع بالمدينة وأسبوع في الجامعة:

دوام المدينة مدته ساعة وحدة بالكثير ساعة ونص بتيجوا 10 وبخلص الدوام 11-11:30 بكون في ميني جراحة الكلى وزراعة الأعضاء، لازم يكون معكم لوغ بوك، وبوقوعه بالعادة نهاية الأسبوع، في ناس بتداوم عيادة وفي ناس بتداوم عمليات وممكن راوند-بس الراوند عادة بتقدروا بمكتب الدكتور يناقشكم بموضوع معين- ما بدققوا عالدريس كود بالمدينة بس خلوا معكم لا يكون لو دوامكم مش عمليات.

بدوام الجامعة الاستشاريين كتبيير بدققوا على الدريس كود عادة، مثلاً د محمد و د عادل مرّة بهدلوا طالب لابس بلوزة بولو بدل قميص وبدقق عالحداء-أكرمكم الله- بس على وقتي ما حد سأل بالدريس كود صراحة.

الدوام بالجامعة بيلش 9:30 وبتوقعوا لوغ بوك يومياً، في ناس بطلعهم عيادات، موقعهم بالطابق الأول، وفي ناس بطلعهم عمليات، حسب التوزيع ألي بيعثوه بقروب الواتس. عالساعة 12 غالباً رح يحكوا لكل ألي مداومين بالجامعة تجمّعوا بقاعة السمينار في الطابق الثالث in patient عشان يعطوكم محاضرة مدتها ساعة وبعدها بخلص دوامكم عال1، ومرات بكون في سمينار صباحي قبل الدوام عال9:20.

بأسبوع الجامعة بكون في امتحان تقييم بيحي دكتور محمّد أو د عادل بسألوكم أسئلة عشوائية من المادة، مثلاً شو يعني Dysuria, Incontinence, urgency, frequency ، أو مثلاً عندك مريض بالعيادة عنده stones شو بتعمله صور ومتى بتعمل عملية، يعني أشياء بتشوفوها بالعيادة وبتنشرح بالمحاضرات.

مصدر الدراسة: سلايدات وسنوات كونهم بكَرُّوا كثير بالعادة، وفي ملخص عاملته بنت اسمها هيا منيح.
على وقتنا بالميني معظم الشهور كان معظمه باست بس في روتيشن أو ٢ ما اجاهم كثير باست.
أما بالفاينل تكرر معظمهم أفكار و عدد منيح كان حرفي، وما بجيبوا صور عادةً.



Ophthalmology

طبيعة الدوام

الدوام يكون أسبوع في (مركز السكري و عيادات مستشفى الجامعة والعمليات) وأسبوع في المدينة، بناءً على الجدول التي بيعته القسم.
عياداتهم بالطابق الثاني والعمليات جنبها، أكثر مواضع يتشرفوها بالعيادات: طول وقصر وكسل النظر والقرنية المخروطية وزراعة القرنية، المادة فيها مصطلحات جديدة عليكم فالأفضل تتصفحوا المادة قبل ما تداوموا عشان تفهموا عليهم.
بدوام الجامعة: عادةً أول يوم يكون عندكم skills lab عشان تتعرفوا على أجهزتهم، باقي الأسبوع عال 9:30 يكون في توقيع check in على ورقة عندهم و عال 12:00-12:15 بتوقعوا check out وبتختموا اللوغ بوك، عشان عال 12:30-1:15 في سمينار للعيون التي مداومين بالجامعة والسكري وبتختموا اللوغ بوك كمان مرة بنهايته.
بالمركز الوطني للسكري اطلعوا بالمصعد للطابق الثالث و عادةً بدققوا عالتأخير نفس مواعيد دوام عيادة الجامعة وبتحضروا سمينارات الجامعة بعد الدوام هناك.
بالمدينة ببليش الدوام عال10 وبخلص 11:30 تقريباً، بس توصلوا الصبح بتوقعوا عند السكرتير، موجود بمبنى الحسين عند ال ATMs، وهو كل يوم بور عكم على واحد من هذول (عيادات جراحة الشبكية، عيادات الطبية، عيادات الأطفال، عمليات، ليزر) وبترجعوا للسكرتير توقعوا بنهاية الدوام برضو، جربنا نطلب عطلة بس ما وافقوا فالدوام يومي، والحضور بالمدينة يكون على كشف الأسماء عند السكرتير و بتختموا logbook عند الدكتور التي مداومين معه.
بدققوا على الدريس كود نوغاً ما بالجامعة والسكري، أما بالمدينة ما في تدقيق.
مصدر الدراسة: المصدر الأساسي هي السلايدات المعدلة أو الكتاب بالإضافة للباست، أما المصدر المختصر ملخص شهد المعدل مع السنوات هو الأشمل بين الملخصات.
أسئلتهم بالفاينل ما كانت صعبة بس ما جابوا غير كم سؤال سنوات، وما في صور بالعادة.



Otolaryngology

طبيعة الدوام

الدوام جميل وممتع جداً بتداوموا أسبوع بالبشير وأسبوع بالجامعة.
البشير بعد المحاضرة الصباحية بتروحوا بباص الجامعة، أول يوم روحوا لمبنى الباطني الطابق الثاني واسألوا عن د عمرو أو د بولين أو د سانا، وهم بحولكم كيف دوامكم بعد هيك وبخلص الدوام بس يجي باص الجامعة تقريباً 12:15-12:30، الدوام عيادات بشكل أساسي و عياداتهم بمبنى العيادات الخارجية، د عمرو بخليكم تفحصوا وتطبقوا، وبتقدروا تطلبوا تدخلوا عمليات لو بدكم.
التقييم بالبشير يكون خلال المحاضرة التفاعلية مع د عمرو، لو بتشاركوا معه بحط عندكم إشارة عشان يرفع تقييمكم، ولو شاركتوا خلال العيادة برضو.
بالجامعة هم أفضل قسم تعامل بالسب سير جري كلهم بساعدوكم وبخلوكم تفحصوا وتستلموا عيادة حتى، الدوام يكون 9:00 أو 9:15 وبتصلكم لل 1:00 ولو مع د لبنى بتصلكم لل 2:00، الاستشاريين بدققوا على الدريس كود كثير فالأفضل تلتزموا رسمي كامل.
الدوام عيادات، وبعض الأيام في سمينارات مع الدكتورة بقاعة المحاضرات جوا العيادة، وبتقدروا تطلبوا -اختياري- تداوموا عمليات بدل العيادات أو بعدهم -حسب موعد العمليات- .
بآخر يوم بأسبوع الجامعة في امتحان تقييم يكون كتابي على ورقة، بيعرضوا صور على الشاشة وبتجاوبوا عالورقة.
مصدر الدراسة: بدايةً في فيديوهات د عامر للميني ممتازين وبفيدوكم لو تحضروهم قبل الدراسة، وفي مراجعة للفاينل بنصح تحضروها ليالي الامتحان.
للدراسة المصدر الأساسي هو السلايدات مع السنوات
أما كمصدر مختصر للميني في ملخص آية النعيمات كثير ممتاز وشامل نسبة منيحة، وفي موديفايد لشرح د عامر برضو شامل حسب كلام د عامر نفسه -لكن في روتيشنات ما كان شامل صراحة- وبفيدكم لو تشرفوا سنوات معهم.
للفاينل المصادر المختصرة: ملخص خالد أو ملخص يحيى ي ملخص د عامر بس مش شاملين نفس المصدر الأساسي.
وما بجيبوا صور بالعادة ولا بتكرر سنوات كثير.



NeuroSurgery

طبيعة الدوام

بورز عوكم بناء على الجدول الي ببعثوه على: عمليات، راوند، محاضرات مع د وليد المعاني، دوام في المدينة الطبية (بتداوموا 3 أيام بالمدينة، يومين الخميس ويوم الأربعاء)

لما تداوموا مع دكتور وليد المعاني بحب الالتزام بالوقت وبحكيكم تلبسوا اللابكوت والباجة قبل ما تفوتوا.

الدوام بالعيادات: أهم المواضيع الي بتشرح هي الديسكات وأعراضها ومتى بتعمل عملية للمريض.

الحضور يكون على ورقة معهم مش لوغ بوك وبخلص دوامكم قبل 1:15-2 حسب شو دوامكم، وفي قروبات بعملوا الهم امتحانات تقييم بنهاية أسبوع الجامعة، بجمعكم الاستشاري بمكتبه ويسألكم عن صورة عنده أو موضوع معين، علو وقتي ركزوا على cauda equina syndrome.

بالمدينة تجمعوا عال10 عند مكاتب الإدارة في مبنى الحسين وواحد منكم يتواصل مع الدكتور يسأله وين نلتقي معك، اطلبوا رقم الدكتور من المقيم المسؤول عنكم بالجامعة، احنا وزنا ناخذ هيسثوري وبعدها بنص ساعة رجعنا له عشان نتناقش فيهم، وخلص الدوام 11:30، وممكن يعطلوكم يوم أو 2 لو حكيتوا معهم.

بالجامعة ممكن يدققوا شوي على الدريس كود أما بالمدينة ما في تدقيق بس المهم معكم لابكوت.

مصدر الدراسة:

سلايدات، محاضرات د وليد ممكن تدرسوهم من كتابه أو سلايدات، وطبعًا السنوات مهمة ويكرروا، كمصدر مختصر للميني ملخص ربي جيد مع السنوات أما للفاينل تفريغ ابراهيم صدقي شامل كل السلايدات بدون الصور وفي ملخص ابراهيم الخطيب جيد بس مش شامل طبعا.

على وقتنا و020 ما جابوا صور بالفاينل بس جابوا ل 019.



Orthopedics

طبيعة الدوام

أوقات الدوام:

ببش 8 كل يوم بمحاضرة صباحية بمبنى القاعات الصحية، أما وقت نهاية الدوام يختلف حسب لو في محاضرة مسائية أو لا - يكون في ب 3-4 أيام أسبوعياً باستثناء آخر أسبوع يكون أقل - لو كان في محاضرة يكون وقتها من 2-3 ويمكن لل3:30، لو ما في مسائية بخص بين 10:30 و1 حسب شو مداومين.

أول يوم الكل بدوام بالجامعة، يكون عندكم crash course مع د جهاد بتأخذوا محاضرة صباحية عن الاناتومي وبعدها بتروحو ل skills lab تطبقوا ألي أخذتوه على مجسمات وصور، وبعدها بعطيكم محاضرة مسائية.

بجدول المحاضرات يكون مكتوب عند معظم المحاضرات prepared by group x، يعني هاذ القروب مطلوب منهم يحضروا سلايدات ويشروا، مع اختلاف طريقة كل دكتور بالتعامل مع القروب، في دكاترة بحكوا للطلاب ما في داعي تشرحوا أنا بشرح، وفي منهم بخلّكم تشرحوا وبعقب على كلامكم، بس لازم تكونوا جاهزين احتياط، لأنه لو في قروب مطلوب منه يشرح وما كانوا جاهزين كلهم بنخسوا تقييم، والخسف سيء مش كم علامة بس.

وبجدول الدوام بتلاقوا مكتوب x prepared by group interactive session، هون يكون مطلوب تأخذوا هيسطوري كاملة وتجهزوها presentation عشان تقدّموها بالسمينار، وبرضو كونوا جاهزين لأنه ممكن تنخسوا لو ما جهزتوا.

بتداوموا 3 أسابيع بالجامعة، بورّ عوكم كل أسبوع مع أخصائي مختلف، دواماتهم عيادة أو عمليات أو سمينار، عياداتهم موجودين بالطابق الأول.

وبكون في لكل قروب يوم مناوبة بعد الدوام، هي المفروض من ال4 لل8، بس المعظم بروحك قبل، حسب الدكتور ألي معكم وقتها، في دكاترة بياخذوكم راوند بالطابق، وفي منهم بحكولكم تروحو للطوارئ تتعلموا كيف بنعمل الجبيرة، وفي منهم بوديكم للعمليات.

وفي أسبوع بتداوموا فيه بالبشير حسب التوزيع، دوامكم فيه ببش مع وصول باص الجامعة عال10 تقريباً وبخص بالكثير عال12، يكون الدوام بمبنى الطوارئ القديم بالطابق الثالث بتروحو للسكرتيرة أول ما توصلوا بتسجلكم حضور بالأسماء وبعدها بتنادي الدكتور ألي بدكم تداوموا معه أو بتحكيكم وين تروحو، يا بناقشكم بموضوع أو بياخذكم راوند، ولو بدكم بتقدروا تطلبوا تداوموا عمليات، وممكن يعطوكم الخميس لو حكيتوا معهم.

وبالعادة يكون في كورس trauma مع د جهاد اختياري لّلي بده بيومين الأحد الثاني والثالث (وآلي بحضره ما بنحسب غياب بدوامه) مدته تقريباً 6 ساعات.

الحضور والغياب:

بالمحاضرة الصباحية والمسائية عالمقاعد، وبدوامكم بتختموا اللوغ بوك - بالجامعة - ، ويتسجلوا أسماءكم على ورقة خارجية مع تاريخ ومكان الدوام وبختمكم الدكتور عليها عشان تبعثوها بقروب الواتس (حتى لو دوامكم بالبشير)، حاولوا ما تغيّبوا لأنه كتبيير بنخسوا من التقييم على الغيابات.

الدريس كود:

أهم شي ممنوع السكراب من البيت لأنه في كثير منهم ببهدلوا عليه وبعثروه محظور عندهم حتى لو مداومين بالبشير ممكن بالصباحية يدقّوا، أكثر دكتور بدقّ على الدريس كود د محمد حمدان، ودكتور محمد عباينة بمنع تدخلوا المحاضرة لو لابسين سكراب.

مطلوب تسلّموا 2 هيسطوريز ماينر (عادي لو طباعة) بتبعثوهم pdf عالواتس للمقيم المسؤول، ووحدة ميجر ورقي (لازم بخط اليد) ، هيسطوري الميجر لازم تكتبوا فيها الفيزيكال واللابات وصور الأشعة وال management & ddx وأخرها assessment ، وبمتحونكم بهيسطوري الميجر الصبح عال7:30 بنفس يوم الميني (في ملف مكتوب فيه كل دكتور شو بسال بالزبط) يُعتبر اوسكي وعليه 3 علامات.

نصيحة للدوام:

خذوا الهيسطوريز بأول الروتينش كونه مطلوب منكم تسلّموا 3 هيسطوري - 2 ماينر وواحد ميجر - الميجر بختبروكم فيه، فأني شي بتكتبوه بالهيسطوري المفروض تكونوا دارسين المعلومات عنه، وفي ملف مكتوب فيه كل دكتور شو بسال بالاوسكي شوفوه بفيديكم.

مصادر الدراسة:

الميني اوسكي عادة بيجي 70-75% أو أكثر من السنوات حرفي فلو ما معكم وقت ادرسوا السنوات بس.

لكن للفاينل لازم تدرسوا المادّة كالاتي:

د فريخ محاضراته بتدرسوها من كتابه، د جهاد العجلوني و د عمر سمارة و د محمد حمدان و د باسم حداد و د أوس و د شاهر كلهم موديفايد، د محمد سميح handouts مع الصور الي بمحاضراته، د فادي handouts.

كمصادر مختصرة في ملخص كارين وملخص حسام وملخص راما كلهم مصادر جيّدة مع السنوات.

بالعادة بيجي كثير سنوات بالفاينل بس على وقتنا عشان بنت د جهاد معنا ما تكرر كثير لكن أسئلتهم كانت من المادّة وما جابولنا صور مع إنّه بالعادة يكون في.

الميني من 7 علامات، بتكون الأسئلة عالحاسوب والإجابة الورق يكون 20 سؤال ومدته 30 دقيقة و one way هم بتحكّموا في تقليب الأسئلة.